

**Ukiuqtaqtup Hinaaniittut Tingmiangi Munagiyauniinut Havagutit - 2005**

Ihumalugiyavut tapkuat amigaitnii tapkuat hinaaniittut tingmityat tapkuat ivavaktut tahamani ukiuqtaqtumi. Qangahaq, naunaiyaqtaunii tapkuat pivaktut tingmityanut tikitpakniinut apqutigivaktai naunaiqtauyut tapkuat qaphiunii amiuhuuniquhat allatqiktut ikiklivalliyut. Naluyauyut hungmat taimailiuligiakhainik, kihimik ilai pilaqtut pityutauyut tapkuat: tammainii nayuqpaktainik nunani tahapkuat tingmityat ukiivakviini, inungnit pivaliatitaunii tapkuat tikitpakviini nuqaqpakvii, hila allanguqpalianianut, tapkuatlu tuqunaqtut hunat tahamani ukiivakviini nunani.

Nalungitnivut tapkuat anginiinik tapkuat hinaaniittut tingmityat amigaitnii naamangittut, tapkuatlu ilai tapkuat allatqiknii tapkuat ivavaktut tahamani ukiuqtaqtumi ayuqnaqtut munagiyakhai tahapkunani aulaqpakviita apqutaini. Piyumayavut munaginiinik tapkuat tingmityat tahapkunani ivavakviini nunani piplogu pilagaptigu naunaitqiyamik mikhautniinik tapkuat qanuqtut amigaitigiyakhainik aktilanginik. Kanatamiut Amialikamiutlu uumayuligiyyit pivaliatitihimayut havaguhikhanik tapkuat munaginiinut tapkuat amigaitniita aktilangi tapkuat hinaaniittut tingmityat allatqiknii tapkuat avavaktut ukiuqtaqtumi. Atugumayavut ukuat havaguhiit naunaiqhimaniinut tapkuat hinaaniittut tingmityat amigaitnii ukiuni tahapkunani, naunaigumaplugit tapkuat amigaiqpaliayakhai ikiklivaliayakhailuniit. Atulaqtavut ukuat tuhaqtakhat naunaiqniinut ihuityutainut tapkuat hinaaniittut tingmityat tapkuatlu pinahuaqlugit kangiqhinii hunanik ihuityutiqagiakhai.

Talvani atulihagtutlugu Juni, 10 inuit tingminiat tahamunga Killiniq Iluilik Tingmityat Hapuhimavianut Malgulikmun Tingmitmut talvangatlu halikaptakkut pinguqtitnahuaqhugu atulaktukhaq tupiqnik hiniktaumavik haniani paangata taphuma Kuukyuaq Kuugaata. Havakniat nunami naunaiyailutik attakittuni havkviqaqpaklutik tapkuatlu titigaqlugit tamaita tingmityat tapkuat qungiaqtaqtik. Mikhani !) uplut tapkuat havaqatigiit ikayuqtauniat halikaptamit piyungnaqtitaulutik havagianganik naunaiyainiqmik ungahitqiyaniq talvangat inigiyaniq hiniktaumaviup. Tamna tupiq hiniktaumavik (ilautitlugit tamaita iqakut) puuqtugauniat tingmitikkutlu aulaqtitaulutik qitqani Julai kinguagut amigaitniqhat tahapkuat hinaaniittut tingmityat upluini maniiit piaganikqaqtitlugit. Tamaita piyaunahuat atuqpiagahuaqniat tahamani inaani qimaktaulutik piiqpiiaqlugit piqaqhimanii tupqit hiniktaumaviit.

Malguk innuk piniaqmiyuk naunaiyailutik tahamuuna avikhimaniagut tahamani Ellesmere Qikiqtami talvangat 21-23 Juni, 2005. Tapkuat pityutai tapkuat naunaiyainiit kangiqhimaliqupluta tapkuninga hinaaniittunik tingmityanik tapkuatlu nayuqpaktai tahamani inaani hivuani havakniahaqtitlugit halikaptakkut, amigaittunik nutqaqpaklutik naunaiyailutik nayuqpaktainik tapkuatlu tingmityat uumaniinik. Hiniktaumaviqalaittuq; hiniktaqniaqtugut talvani Minguiqhiqviki Kanatami kamayiuyup igluqpaini tapkuatlu ahii iniqhimayut pinguqtauhimayut upaklugit.